

重慶府縣志輯

34

中國地方志集成

同治忠州直隸州志(二)

乾隆梁山縣志

嘉慶梁山縣志(一)

中國地方志集成

重慶府縣志輯 ③④

同治忠州直隸州志（二）

乾隆梁山縣志

嘉慶梁山縣志（一）

巴蜀書社 · 鳳凰出版社 · 上海書店

第三十四冊目錄

同治忠州直隸州志（二）	一
乾隆梁山縣志	二四七
嘉慶梁山縣志（一）	二七一

同治

忠州直隸州志

(二)

清·侯若源 慶徵 修 柳福培 纂

同治十二年刻本 十二卷首一卷

忠州直隸州志卷之四

政令志第四

農政 恤政 荒政 鋪遞 養濟 義阡
義渡 救生船隻 政績

朝廷體國經野設官分職以爲民極固非徒備人數而已所以使之奉命宣化各供爾位也職官後自宜志政令矣民以食爲天則首先志農政而撫恤次之則又志恤政志荒政鋪遞以傳政令則又志之養濟以助孤貧義阡以藏朽骨皆政令之要端也故又志之

政令志一

農政

忠州農官向無考惟道光四年知州吳友簾以睦大才爲農官旋撤去而省耕省斂皆寓於保甲中地方官或因公便道以勸農民此卽農政也農官與陰陽學醫學等存其名不必有其實矣

政令志二

恤政

康熙二十五年以四川地方昔年爲賊竊踞民遭苦累今雖獲有甯宇宜培養以厚民生所有二十六年應徵地丁各項錢糧全行蠲免並豁除二十五年未完錢糧

康熙三十二年以四川屬邊地土壤磽瘠民生艱苦所有三十四年應徵地丁銀全行蠲免

康熙四十三年以四川屬極邊之地應徵地丁各項

錢糧全行蠲免

康熙五十年四川應徵地丁全行蠲免

雍正八年以用兵西藏及勦撫苗蠻等事糧餉轉輸有資民力今藏地苗疆俱已甯謐四川額徵地丁銀兩全行蠲免

乾隆十一年全蠲

乾隆十二年因川省軍興以來一切夫馬支應未免有傷民力將本年地丁錢糧緩征並次年地丁錢糧亦行緩征

忠州直隸州志

卷四

文獻

三

乾隆十四年因大兵勦撫金首不無需用夫役所有應徵地丁錢糧蠲免十分之七

乾隆三十一年川省通行蠲免忠州免額徵正閏銀三千六百一十六兩五錢一分九釐四毫六絲七忽六微五塵二纖

乾隆三十五年恭逢

皇上六旬萬壽次年恭逢

皇太后八旬萬壽各直省輪免稅糧三十六年忠州蠲免額徵正銀三千四百八十一兩八錢七分五釐三毫八

系七忽六微五塵二纖

乾隆三十七年因大兵進勦西夷民間運送軍需徵勞其力將正銀蠲免七分三十八年蠲免正閏銀五分三十九年蠲免正銀五分

乾隆四十一年因平定金川蠲免正閏銀十分之七乾隆四十二年爲

聖母仙馭升遐推廣

慈仁以酬罔極特奉

諭旨將各省額徵地丁錢糧普行蠲免自戊戌年爲始分年

忠州直隸州志

卷四

文獻

四

輪蠲

乾隆四十三年

恩詔內開額徵正閏銀全行蠲免乾隆五十五年元旦內閣奉

上諭朕賴

昊蒼眷佑既逾古稀欣開八袞幸得小康時懷大惕自乾隆十年迄四十二年特布恩綸普免天下錢糧業經三次矣今歲屆朕八旬壽辰仰荷

太祖貽庥率土稱慶以至梯航重譯祝嘏來庭從古史牒實

所孚視是宜廣宣湛閣敷錫兆民用叶崇禱以答

嘉駟著將乾隆五十五年各直省應徵錢糧通行蠲免其如何按年輪蠲之處著大學士會同戶部即速核奏遵行欽此

乾隆六十年十月初八日內閣奉

上諭朕臨御以來勤求民隱日有孜孜惟期藏富於民家給人足仰荷

昊天眷佑

列祖貽庥寰宇昇平重熙累洽行慶施惠閭閻頻加節經普

忠州直隸州志

卷四

政令志

恤政

五

免天下漕糧三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千餘萬兩所以子惠元元休養生息者至周且渥今朕紀年慶符周甲丙辰元且舉行歸政典禮爲嗣皇帝登極初元大廷授受篤祐延釐實爲曠古吉祥盛事允宜廣沛恩膏俾薄海羣黎共沾湛愷本欲於新正傳位後降旨但思二月間卽居開徵之期恐遠省接奉稍遲著卽將嘉慶元年各直省應徵地丁錢糧通行蠲免以示朕與嗣皇帝愛育閭閻同錫恩施至意其如何按年輪免之處該部查照

向例核議具奏施行欽此

嘉慶三年三月十七日內閣奉

上諭四川總督勒奏川省被賊蹂躪及鄰近禦賊各州縣應徵本年地丁錢糧請分別蠲緩一摺川省夔州達州等屬自教匪滋事以來節經降旨將夔達二州所屬嘉慶二年三年應徵錢糧概行蠲免但賊匪蔓延滋擾一載有餘川北川東州縣俱被蹂躪其中有情形極可憫者而鄰近各州縣邊界地方團集鄉勇設卡嚴防耕作失時民情亦不免拮据着加恩將被賊滋擾之長壽梁山營山儀隴廣

忠州直隸州志

卷四

政令志

恤政

六

安渠縣大竹鄰水巴州通江南江蒼溪廣元等十三州縣達州併所屬之東鄉太平新甯等處應徵本年地丁錢糧一體寬免其鄰近之閬中南部昭化劍州南充西充蓬州岳池巴縣江北廳合州涪州忠州酆都墊江石砭廳黔江等十七廳州縣應徵本年地丁錢糧一體緩徵以紓民力該督等務須董率所屬認真經理毋使吏胥從中滋弊俾良民均沾實惠以副朕厘念體恤恩加無已至意欽此

嘉慶二年三年忠州奉文緩徵

嘉慶六年四月十三日欽奉

上諭四川總督勒奏明四川省捐輸銀數請將嘉慶七年應徵地丁錢糧分別蠲免等語此次辦理津貼非正供可比該省人民誼切桑梓急公尚義實屬可嘉著加恩照督臣所請蠲免之數遞行加增所有遂甯等十六縣著蠲免十分之四大邑等十三州縣著蠲免十分之三成都等五十七廳州縣著蠲免十分之二以示獎勵該部知道摺單併發欽此

奉文忠州蠲免嘉慶七年地丁十分之三

嘉慶二十四年

忠州直隸州志

卷四

賦役

七

上諭四川總督蔣奏查川省並無民欠著將嘉慶二十五年錢糧寬免十分之三

政令志三

荒政

忠州荒政舊志無考道光六年秋旱民饑七年正月知州靳章紳捐廉設粥兩里各設粥廠並詳請平糶額貯常監加貯倉斗穀二萬八千四百五十石民賴以全

道光二十年知州薛濟清捐廉辦理賑濟兩里各設粥廠平糶濟穀倉斗二千七百六十九石六斗九升道光三十年知州朱百城奉文平糶倉穀倉斗七千

忠州直隸州志

卷四

政令志 荒政

八

零一十二石去

咸豐元年奉四川總督徐札開照得川省各屬濟社穀石係民間捐以備荒與常平倉相輔而行雖聽民間自行經理官不司其出納然非官爲嚴行稽察則事無考察地方刁生劣監惡棍土豪皆可任意侵蝕勢必至有名無實自應明定章程以重倉儲故忠之社監等倉士民均不沾染毫無虧欠荒年所賴政亦善矣

同治九年六月大水沿河被淹四川總督吳發庫平

銀一千五百兩知州侯若源捐廉撫恤共錢六千八百七十二串

政令志四

舖遞

國朝康熙六十年四川總督年羹堯奏稱直隸各省皆設舖司川省兵燹之餘未經請復公文係付塘兵傳遞偏僻州縣里民遠送不能如式包護擦損印封甚至失遺無所尋究請於衝途每舖設司兵四名次衝設三名偏僻設二名每名月支銀六錢部議準設其工食銀兩照廣西例每名月支工食銀三錢五分忠州議偏僻雍正元年八月內自底塘及四路共設十

八舖共設舖司兵三十三名雍正六年三月內奉文盡行裁革公文仍交塘兵遞送乾隆二年少詹階人鵬奏稱革除舖司概用塘兵遞送公文於邊省尤爲不宜請復設舖司以重郵傳仍設如初

南路

州城底塘額設舖司兵一名至高盈舖三十里

高盈舖額設舖司兵二名至香水舖三十里

香水舖額設舖司兵二名至任家舖三十里

任家舖額設舖司兵二名至高埗舖三十里

高埗舖額設舖司兵二名至酆都縣東津舖二十五

里

西路

州城底塘額設舖司兵一名至風門舖三十里

風門舖額設舖司兵二名至官廳舖三十里

官廳舖額設舖司兵二名至白石舖三十里

白石舖額設舖司兵二名至毛店舖三十里

毛店舖額設舖司兵二名至拔山舖三十里

拔山舖額設舖司兵二名至新立舖三十里

新立舖額設舖司兵二名至金銀舖三十里
金銀舖額設舖司兵二名至墊江縣沙河舖三十里
北路

州城底塘額設舖司兵一名至魯井二十五里

魯井舖額設舖司兵二名至店子舖三十里

店子舖額設舖司兵二名至豐收舖三十里

豐收舖額設舖司兵二名至黃石舖三十里

黃石舖額設舖司兵二名至梁山縣觀音舖二十五里

里

忠州工泉州元

今日

政令志

舖廳

十一

政令志五

養濟院

舊志載宋漏澤園在州治北門外今無考

國朝乾隆五十五年知州吉興創於黃龍門外道光五

年知州吳友箴增修同治元年因軍務毀壞四年知

州葆謙改建於鳴玉溪外五年知州王世勳復建於

黃龍門外以收養老幼孤貧

育嬰堂在東門外咸豐十年知州朱百城捐廉建修

政令志六

義阡

一在北門外羅家塘知州李紹祖捐廉置買其界長

量六十四丈橫量十八丈共計二百二十二丈

一在北門外柳家巖郡拔貢生周光旺等捐買

一在治西崇七甲水塘房知州吳友箴捐廉置買

一在敦里八甲拔山司東門外墊江縣民石中超捐

買

一在敦里八甲拔山司南門外拔山汛外委朱雲龍

忠州工泉州志

卷四

政令志

義阡

十二

捐買

一在治西永豐場州職員賀安吉捐設

一在治東石寶砦僧志寬捐買

一在治東石寶砦四了口州民置買

一在治東曹溪盤州民置買

政令志七

義渡

神溪義渡乾隆八年知州張鳳誥置買義渡田州市
斗十六石造船二隻

曾井口義渡道光十年郡監生劉必聞捐設

三角灘義渡道光十年州民吳海捐設

曾井沙平塘義渡道光八年州耆民周杰捐設

政令志八

救生船隻

一魚洞子設立救生船一隻水手六名春冬水涸時
在灘救護夏秋水漲時移至鑾珠背救護

一折尾子設立救生船二隻水手十二名春冬水涸
時在灘救護夏秋水漲時移至鳳凰子灘救護

石寶砦道光八年知州靳章紳捐廉置田雇船救生
無定額

一千二百串交商生息添造巡江船四隻每船巡役
四名

政令志九

政績

唐

劉晏字士安

貞元中貶忠州刺史祀名宦事詳

唐書

陸贄字敬輿

嘉興人貞元時貶忠州別駕諡曰宣

祀名宦事詳唐書

李吉甫字宏憲貞元時徙忠州刺史諡忠懿祀名宦事

詳唐書

忠州直隸州志

卷四

政令志 政績

十五

白居易字樂天太原人元和時徙忠州刺史諡曰文祀

名宦事詳唐書

房式德政懋著韋皋表為蜀州刺史

第五琦字禹珪長安人乾元二年任祀名宦事詳唐書

五代

鄧宏蜀王建時任有惠政及民

宋

趙尙寬字濟之河南人宋初任時忠州俗尙畜蟲殺人

寬窮治之除其根株風俗丕變嘉祐中以考課第一

改知唐州祀名宦

常福慶雲中人清祐初守咸淳府開貢院以試士而登

之於朝時有瑞麥嘉禾雙犢金鯉之應祀名宦

韓璩平寇保民立生祠祀之

胡旦大中祥符時任論事切直後召入史館

李革年代無考舊志載不畏強禦不侮瘝寡祀名宦

崔遵度淄州人太平興國八年守忠州李順之亂背城

死守

歐陽珣字全美吉州廬陵人崇甯五年任忠州學官剛

忠州直隸州志

卷四

政令志 政績

十六

方正直守節不屈金人殺之祀名宦

王闢之字聖塗營邱人紹聖三年任撫養柔和鋤治猾

奸興學設教士民畏威懷德祀名宦

屈堅建炎二年為忠州防禦守義不屈以身殉城

馬望岩昌人德祐二年守咸淳府守城不屈巷戰身

亡祀名宦

元

伯耀德元時人年代無考舊志載勸農勤民祀名宦

明

王 諭洪武初任修城池建學校撫瘡痍之民安於社
席善政最多祀名宦

陶 瑋黃岡縣人洪武初由長沙衛遷忠州城守禦號
令嚴肅博極羣書有古儒將風修築州城記載文藝
祀名宦

范 益浙江人洪武時任振興文教表率士林祀名宦
黃貢儒廣東信宜縣人果敢有爲人服其德

張永城衡山縣人賦性溫雅撫字慈祥

王曰良正統時任建修文廟士民愛戴

忠州直隸州志

卷四

政令志續攷

七

張 瞻鄱郡人景泰時任廉介剛直載在舊志祀名宦

宗 輔潭州人景泰時任廉明公恕權貴斂跡時值歲

歉天雨黑子白仁以救民饑人謂異政所感祀名宦

周 清德化人天順時任政平訟理士民愛戴祀名宦

陳秉懿成化時任政除煩苛示民節儉祀名宦

徐吉貞蘄水人正德中任催科不擾力濟時艱祀名宦

李 夔號竹泉清平縣人教養有方士民德之祀名宦

黃器重靖江人嘉靖時任政不擾民且培植學校祀名

宦

趙 登河南人任州州判慈愛爲懷政治有方

朱良用隆慶時任廉介有守儒素風高

萬 谷號遷齋永昌人善政超卓治行第一

邱梁字泰衡麻城人政教修明庶事畢舉民有樂只之

稱祀名宦

王汝言濱州人賞罰嚴明盜爲斂跡

戰 符號夢竹湖廣人渾厚精明士民畏而生敬補修

鳴玉橋至今賴之

倪伯鯢號靈海常熟人居心仁厚勤政愛民祀名宦

忠州直隸州志

卷四

政令志

政續攷

七

尹 瑜萬曆時任爲政寬平張弛悉協祀名宦

胡平表忠州判官天啟元年任奢崇明襲重慶從事戎

行躬冒矢石

馬易從貴州人修理城垣誅鋤豪強一郡肅然

國朝

杜永甯康熙四年任時值兵燹之餘瘡痍之民賴以安

集其功甚偉

劉肇孔陽曲人康熙六年任善政多端難以枚舉創修

學宮尤爲要務

武烈字漢臣鑲紅旗人性情平和長於聽斷尤培植

寒畯成文運書有武公桃柳碑碣在宣公墓側

朱之璉字商玉漢軍鑲白旗人平恕爲政不事刑求任

內創修崇聖祠

劉毓崑商邱人博學能文課士有方捐俸補修學宮

張煦漢軍廂黃旗人康熙五十七年任設立義學化

洽士林

董思恭字肅侯壽光縣人雍正年間任創修學宮宏獎

士類

忠州直隸州志

卷四

政令志

政績

十九

劉乃大字有容山陽縣人乾隆五年任嗜古好學潔已

愛民

張鳳誥乾隆八年任懲豪強治蠹役甫六月風俗變易

穆特布正藍旗人乾隆十五年任潔已奉公廉而有恩

五爾卿格字松菴正黃旗人乾隆十九年任德威兼濟

王爾鑑河南人乾隆二十七年任精明強幹教養有方

吏民畏威懷德罔敢干犯

亮揆乾隆二十九年任公正廉明摘奸發伏咸中事

宜

李振鳳字庭梧仙遊人乾隆三十一年任振興學校惠

養黎民金川之役軍需毫末累民去後之思至今猶

在

甘隆濱廣昌人乾隆四十年任慈祥愷悌禮士愛民

張兆麒字振公景州人乾隆四十一年任懲奸除枉德

布歌謠捐廉爲書院置買膏火士林尤德之

皂福住滿洲鑲白旗人乾隆五十三年任廉正剛介執

法如山

和隆武正白旗人乾隆六十年任殫心撫字允洽民情

忠州直隸州志

卷四

政令志

政績

二十

翁霍霖莆田縣人嘉慶元年任軍務初興補綴勞瘁民

無所擾時以杜父召母稱之

王垂重諸城人嘉慶三年任親冒矢石以身死事六年

奉

旨建祠祀之

趙來震甯縣人嘉慶三年任督工修城禦賊有方值戎

馬倥偬不廢學校

紀樹森直隸獻縣人嘉慶二十三年任孤介清嚴鋤強

植弱

李紹祖錢塘人嘉慶二十四年任公平廣恕政簡刑清徐陳謨蘄水人道光二年任摘發奸伏無所迴護

吳友簾江蘇吳縣人道光六年任設書院置膏火修州志建試院百廢俱舉弊絕風清州民繪像以祀同治十二年入祀名宦祠

劉 端直隸人道光十四年任正直清廉毫無倚徇去後之思至今猶存

強望泰陝西韓城人咸豐二年任秉性仁恕執法剛方蔣若采陝西三元人咸豐四年署視事未及三旬而化

忠州直隸州志

卷四

文苑

文苑

三

治兩里祀名宦

鄭長松江蘇吳縣人存心仁厚捍患禦災捐廉置賓興莊士民立祠祀之

龔照琪安徽合肥人道光二年任分州性情剛毅守正不阿知州吳友簾設書院置膏火照琪輔助之力居多

聞金策浙江錢塘人道光十五年任分州潔己守分自甘淡泊以作人才爲事時州之有文名者皆出其

門

何浩如涪州人嘉慶二十五年任學正勤於訓迪士林振興

魏作霖新都縣人道光十八年任訓導純孝成性教士有方

忠州直隸州志

卷四

政令志

政績

三

忠州直隸州志卷五

武備志第五

兵制 防汛 營學 營田 較場 火藥局

先德後刑天道不能去殺有征無戰王者所以用兵
政令固以治民而武備又安可忽乎志政令卽宜志
武備武備以兵制爲律志兵制次防汛次營學次營
田次較場次火藥局而營田營學不入賦役之門較
場火藥局不載建置之內誠以武備中事不宜他歧
是爲武備志第五

忠州直隸州志

卷五

武備志第五

一

武備志一

兵制

國初忠州設忠州水師營設總兵一員副將一員參將
二員遊擊二員守備二員千總四員把總六員康熙
十一年改設遊擊一員守備一員千總二員把總四
員康熙四十二年裁去遊擊止留守備雍正十年裁
去守備改設都司一員裁改千總一員裁改把總二
員^{外委}二員額外外委一員原額馬步戰守兵二百
五十名^{馬兵}二十五名步戰兵六十三名乾隆四十
五年裁撥新疆馬步守兵三十九名內馬兵四名步
戰兵九名守兵二十六名乾隆四十七年裁退各官
養廉公費馬步戰兵守糧三十六分馬糧五分戰糧
二十一分守糧十分乾隆四十七年增添募補實兵
五十九名內戰兵三十六名守兵二十三名嘉慶十
三年裁撥綏定通巴二營戰兵四名現在實額馬步
戰守兵二百三十名內馬兵十六名營馬十六匹戰
兵六十四名守兵一百五十名馬戰守兵共二百三
十名馬十六匹

忠州直隸州志

卷五

武備志

二